

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 24 MAC 2015, PUKUL 10.00 PAGI

Bil. 10

PERTANYAAN-PERTANYAAN BAGI JAWAB LISAN

1. PR-1331-L67339
Datuk Rozman bin Isli [Labuan] minta **MENTERI PERDAGANGAN ANTARABANGSA DAN INDUSTRI** menyatakan bagaimanakah *Malaysian Automatif Industry (MAI)* boleh bekerjasama dengan Persatuan Peniaga Kenderaan Import Melayu Malaysia (PEKEMA) untuk membangunkan usahawan dan tenaga mahir automatif Bumiputera terutamanya dalam memanfaatkan pelan tindakan *Asean Economic Community (AEC) 2015* selaras dengan pelan tindakan MAI.
2. PR-1331-L67048
Tuan Manivanan a/l Gowindasamy [Kapar] minta **PERDANA MENTERI** menyatakan:-
 - (a) bilangan kanak-kanak yang mendaftar di setiap Pusat Anak Permata Negara mengikut pecahan umur, kaum dan jantina sejak ia dilaksanakan iaitu dari 2007 hingga 2015; dan
 - (b) jumlah peruntukan dana setiap tahun yang telah disalurkan dan bilangan kanak-kanak yang mendaftar untuk Projek Perintis Permata Negara sejak ia dilaksanakan iaitu dari 2007 hingga 2015.
3. PR-1331-L65683
Datuk Johari bin Abdul Ghani [Titiwangsa] minta **MENTERI DALAM NEGERI** menyatakan perangkaan atau jumlah penduduk yang berstatus tanpa negara (*stateless*) yang menetap di Malaysia dan apakah tindakan Kerajaan dalam mengatasi perkara ini.
4. PR-1331-L66716
Puan Teo Nie Ching [Kulai] minta **MENTERI PEMBANGUNAN WANITA, KELUARGA DAN MASYARAKAT** menyatakan perkembangan dan keberkesanan *30 percent club* dan *Gender Focal Point* setakat ini.

5. PR-1331-L66767
Datuk Juslie bin Ajirol [Libaran] minta **PERDANA MENTERI** menyatakan kesahihan laporan Ketua Kumpulan Militan Sulu, Agbimuddin Kiram meninggal dunia akibat masalah jantung di Simunul, Tawi-Tawi di Selatan Filipina dan setakat mana kawalan keselamatan pasukan keselamatan negara di Kawasan Keselamatan Khas Pantai Timur Sabah (ESSCOM) dan Zon Selamat Timur Sabah (ESSZONE).
6. PR-1331-L65596
Tuan Sim Tong Him [Kota Melaka] minta **MENTERI PERTANIAN DAN INDUSTRI ASAS TANI** menyatakan:-
 - (a) terdapat berapa buah tapak penternakan babi di seluruh negara dan nyatakan jumlah mengikut negeri; dan
 - (b) jumlah keluaran daging babi setiap bulan dan adakah ia mencukupi untuk keperluan pasaran dalam negara.
7. PR-1331-L66531
Tuan Haji Ahmad Lai bin Bujang [Sibuti] minta **MENTERI KOMUNIKASI DAN MULTIMEDIA** menyatakan:-
 - (a) adakah pihak Kementerian menyalurkan geran atau dana bagi pembangunan industri muzik Iban di Sarawak dan berapakah jumlah peruntukan yang disalurkan bagi tujuan tersebut; dan
 - (b) apakah langkah-langkah Kementerian bagi meningkatkan mutu penghasilan muzik Iban dan tempatan Sarawak serta memperkasa penggiat seni di industri kreatif Sarawak.
8. PR-1331-L65921
Puan Alice Lau Kiong Yieng [Lanang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
 - (a) bilangan dan senaraikan stesen minyak di Malaysia yang menjual diesel gred Euro 5; dan
 - (b) apakah syarat-syarat bagi pengusaha stesen minyak untuk mendapat lesen/permit jualan diesel gred Euro 5 serta bilakah Kerajaan Malaysia akan melaksanakan kegunaan diesel gred Euro 5 seperti yang dilaksanakan di Singapura sejak Januari 2014.
9. PR-1331-L66041
Datuk Aaron Ago anak Dagang [Kanowit] minta **MENTERI PENDIDIKAN** menyatakan sama ada Kementerian sedar dengan masalah perkhidmatan internet di sekolah-sekolah luar bandar Sarawak yang menjejaskan pelaksanaan laporan sistem baru sekolah dan apakah langkah-langkah yang boleh diambil untuk mengatasinya .

10. PR-1331-L66273
Tuan Su Keong Siong [Ipoh Timor] minta **MENTERI KEWANGAN** menyatakan tahap kesiapsiagaan Kerajaan untuk melaksanakan Cukai Barangan dan Perkhidmatan (GST) pada 1 April 2015. Berapakah jumlah GST-e-Voucher yang telah diluluskan dan dikeluarkan kepada SME yang telah berdaftar dengan MyGST.
11. PR-1331-L65585
Dato' Abdul Manan bin Ismail [Paya Besar] minta **MENTERI PEMBANGUNAN WANITA, KELUARGA DAN MASYARAKAT** menyatakan polisi Kementerian terhadap golongan OKU yang berkemampuan untuk bekerja tetapi gagal mendapatkan pekerjaan. Apakah langkah dalam membantu meringankan beban golongan ini.
12. PR-1331-L66886
Dr. Haji Izani bin Haji Husin [Pengkalan Chepa] minta **MENTERI PENDIDIKAN** menyatakan kenapakah permohonan Kolej Islam Antarabangsa Sultan Ismail Petra untuk menaik taraf ke kolej universiti masih belum diluluskan.
13. PR-1331-L66820
Datuk Koh Nai Kwong [Alor Gajah] minta **MENTERI PERDAGANGAN ANTARABANGSA DAN INDUSTRI** menyatakan kesannya kepada pasaran kereta terpakai jika pelaksanaan *End Life Vehicle Policy (ELV)* di bawah NAP 2014.
14. PR-1331-L66228
Puan Teresa Kok Suh Sim [Seputeh] minta **MENTERI DALAM NEGERI** menyatakan jumlah permohonan pembaharuan permit pekerja asing yang diterima oleh kaunter imigresen sejak ia dibuka semula pada 5 Februari 2015 sehingga 28 Februari 2015. Apakah permohonan yang diterima oleh MyEG pada tempoh yang sama dan rasional Kerajaan menggunakan perkhidmatan MyEG secara tiba-tiba pada tahun ini.
15. PR-1331-L65774
Tuan Wilson Ugak Kumbong [Hulu Rajang] minta **PERDANA MENTERI** menyatakan statistik keputusan pengambilan pekerja baru melalui Suruhanjaya Perkhidmatan Awam (SPA) sepanjang 2014 bagi setiap jawatan yang ditawarkan secara terperinci mengikut pecahan kaum daripada Sabah dan Sarawak.
16. PR-1331-L65928
Tuan Tan Kok Wai [Cheras] minta **MENTERI DALAM NEGERI** menyatakan indeks jenayah di setiap negeri bagi tempoh 3 tahun yang lalu. Nyatakan 10 daerah polis teratas yang mempunyai indeks jenayah tertinggi sepanjang 2014.

17. PR-1331-L67439
Dato' Ahmad Fauzi bin Zahari [Setiawangsa] minta **MENTERI PENDIDIKAN** menyatakan langkah Kementerian bagi meningkatkan prestasi guru Bahasa Inggeris yang begitu lemah di Malaysia. Ini berikutan daripada laporan yang dikeluarkan oleh The Star bertarikh 11 Disember 2014 yang mengatakan hampir 70 peratus dari 60,000 guru Bahasa Inggeris yang menduduki ujian '*English Language Cambridge Placement Test*' mencapai keputusan yang amat lemah.
18. PR-1331-L66187
Tuan Oscar Ling Chai Yew [Sibü] minta **MENTERI KESIHATAN** menyatakan kes denggi di Sibü mengikut bulan pada Jun 2014 hingga Februari 2015 dan bandingan dengan waktu yang sama pada tahun 2013-2014. Mengapa Kementerian tidak mengumumkan statistik itu supaya orang ramai boleh berwaspada.
19. PR-1331-L67373
Datuk Mas Ermieyati binti Samsudin [Masjid Tanah] minta **MENTERI PEMBANGUNAN WANITA, KELUARGA DAN MASYARAKAT** menyatakan berkaitan usaha yang dilakukan bagi menangani isu kebanyakan bangunan-bangunan pejabat Kerajaan yang masih tidak lagi mesra OKU dan menyebabkan mobiliti OKU agak terbatas masih lagi bergantung kepada pertolongan orang lain.
20. PR-1331-L67288
Dato' Seri Abdul Hadi bin Awang [Marang] minta **PERDANA MENTERI** menyatakan apakah langkah konkrit Kerajaan dalam berhadapan masalah kejatuhan harga minyak global yang menyebabkan pendapatan PETRONAS merosot.
21. PR-1331-L67038
Datuk Wee Jeck Seng [Tanjong Piai] minta **MENTERI PELANCONGAN DAN KEBUDAYAAN** menyatakan hujah-hujah pihak kerajaan kepada cadangan pengecualian visa bagi pelancong warganegara China ke Malaysia.
22. PR-1331-L66859
Tuan Lim Guan Eng [Bagan] minta **MENTERI KEWANGAN** menyatakan adakah pelaksanaan GST akan ditangguhkan ekoran bencana banjir di Pantai Timur. Senaraikan jumlah GST yang dijangka dikutip dari setiap negeri. Adakah sebahagian cukai GST yang dikutip akan disalurkan kepada Kerajaan Negeri dan sekiranya ya, berapa peratus daripada jumlah kutipan.
23. PR-1331-L66598
Datuk Liang Teck Meng [Simpang Renggam] minta **MENTERI PENDIDIKAN** menyatakan:-
 - (a) apakah perkembangan dan peruntukan yang telah diambil dalam memastikan pendigitalan buku teks sekolah seperti yang diumumkan Kementerian dalam Pelan Pembangunan Pendidikan Malaysia dapat direalisasikan; dan

- (b) bagaimanakah Kementerian mentafsirkan pendigitalan buku teks mampu memberikan impak positif dan membantu peningkatan pendidikan pelajar serta membantu keberkesanan proses pengajaran dan pembelajaran.
24. PR-1331-L65955
Dr. Che Rosli bin Che Mat [Hulu Langat] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan langkah-langkah bagi memastikan harga barang makanan utama tidak dinaikkan dengan sewenangnyanya berikutan pelantikan Penghulu-Penghulu sebagai Pegawai Pemantau Harga.
25. PR-1331-L66003
Datuk Nur Jazlan bin Mohamed [Pulai] minta **MENTERI KEWANGAN** menyatakan jumlah dividen yang diterima Kerajaan melalui pelaburan terhadap Syarikat Berkaitan Kerajaan (GLC) sejak tahun 2009.
26. PR-1331-L66663
Tuan Loke Siew Fook [Seremban] minta **MENTERI KERJA RAYA** menyatakan status terkini projek pelebaran Lebuhraya Utara Selatan untuk jajaran di antara Kuala Lumpur dan Seremban, tarikh siap projek, kos projek tersebut dan langkah-langkah keselamatan yang diambil.
27. PR-1331-L65711
Datuk Dr. Makin @ Marcus Mojigoh [Putatan] minta **MENTERI KESIHATAN** menyatakan:-
- (a) sama ada pihak Kementerian bercadang untuk mengguna pakai rawatan alternatif sebagaimana yang ditawarkan oleh Majlis Perubatan Elektronik Malaysia; dan
- (b) bagaimana pula dengan kaedah rawatan yang dikendalikan oleh dukun dan bomoh serta kaedah penyembuhan batin.
28. PR-1331-L65617
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan mengenai Program Perantis, Sekolah Pertukangan Perantis Tentera Darat (*Armed Forces Apprentice Trade School*) telah diberhentikan dan nyatakan sebabnya kerana ia boleh dianggap menafikan wawasan yang diilhamkan oleh Mantan Perdana Menteri, Allahyarham Tun Abdul Razak Hussein dan di waktu yang sama Alumni AFATS menuntut supaya program ini dikekalkan.
29. PR-1331-L66673
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan:-
- (a) bilakah Jalan Meritam/Telahak/Buangabai/Pengkalan Rejab/Sungai Poyan Fasa 3 yang terbengkalai dan sudah di "retender" akan bermula; dan

- (b) bilakah Jalan Meritam/Telahak/Buangabai/Pengkalan Rejab/Sungai Poyan Fasa 4 yang sudah diserahkan kepada kontraktor akan bermula.
30. PR-1331-L66367
Tuan Lim Kit Siang [Gelang Patah] minta **MENTERI PERTANIAN DAN INDUSTRI ASAS TANI** menyatakan purata pendapatan nelayan pantai di Johor mengikut lokasi daerah dan anggaran kekurangan pendapatan ini berikutan dengan aktiviti penambakan laut Projek Forest City dan Tanjung Piai Maritime Industrial Park, serta bilangan nelayan yang akan dipengaruhinya.
31. PR-1331-L65665
Dato' Othman bin Aziz [Jerlun] minta **MENTERI BELIA DAN SUKAN** menyatakan sejauh manakah keperluan mewujudkan kod etika sebagai garis panduan kepada para penyokong sukan terutamanya bola sepak. Apakah cadangan Kementerian bagi menangani masalah ketaksuban penyokong terbabit.
32. PR-1331-L66095
Dato' Dr. Tan Kee Kwong [Wangsa Maju] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah wujud kaedah untuk memastikan harga barangan yang bergantung kepada kos bahan bakar untuk diturunkan selaras dengan harga pasaran bahan bakar yang agak murah sekarang ini.
33. PR-1331-L67121
Tan Sri Dato' Sri Dr. Jamaluddin bin Mohd Jarjis [Rompin] minta **MENTERI KERJA RAYA** menyatakan mengenai pelebaran jalan dari Bahau ke Keratong, dari Jalan Segamat ke Gambang - Kuantan dan Muadzam Shah - Keratong - Bahau kerana pelebaran jalan tersebut amat penting bagi kebanyakan pengguna-pengguna jalan raya di kawasan berkenaan demi keselesaan dan keselamatan orang ramai yang sering menggunakan laluan ini.
34. PR-1331-L66178
Dato' Wira Mohd Johari bin Baharom [Kubang Pasu] minta **MENTERI PERTANIAN DAN INDUSTRI ASAS TANI** menyatakan tentang jumlah pasar tani yang dikendalikan oleh FAMA. Apakah pasar tani berkenaan telah berjaya meningkatkan pendapatan pesertanya. Apakah pasar tani merupakan saluran pemasaran hasil-hasil pertanian terbaik Kementerian untuk mengurangkan kebergantungan peladang, penternak dan nelayan kepada orang tengah. Jika ya, berapa peratus daripada bilangan peserta pasar tani yang telah bebas daripada ikatan orang tengah sejak 2010-2014.
35. PR-1331-L66505
Tuan Anuar bin Abd. Manap [Sekijang] minta **MENTERI KEWANGAN** memastikan pembangunan negara sejajar dengan ekonomi global, adakah rasionalisasi perbelanjaan yang diumumkan menyeluruh kepada agensi-agensi Kerajaan kerana ia dapat memastikan pembangunan negara lebih efisien.

36. PR-1331-L67179
Puan Hajah Normala binti Abdul Samad [Pasir Gudang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tindakan dan langkah yang diambil terhadap rumah pangsa kos rendah/sederhana yang mengalami kerosakan daripada segi penyelenggaraan akibat daripada kutipan bayaran pengurusan (*management fee*) yang kurang memuaskan oleh penduduk kepada Badan Pengurusan Bersama (*Joint Management Body*) atau Perbadanan Pengurusan (*Management Corporation*).
37. PR-1331-L65785
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan Kementerian Pendidikan telah menggalakkan guru-guru melanjutkan pelajaran sehingga ke peringkat PhD, adakah guru-guru yang memperoleh Ijazah Sarjana dan Doktor Falsafah mempunyai skim gaji yang istimewa untuk penyandangannya.
38. PR-1331-L66064
Tuan Ng Wei Aik [Tanjong] minta **MENTERI DALAM NEGERI** menyatakan kenapa Pendaftar Pertubuhan tidak menurut persetujuan yang telah dicapai di antara Peguam Kanan Persekutuan dengan DAP di mahkamah pada 23 September 2014, walaupun telah diperakui oleh Jabatan Peguam Negara sendiri bahawa tiada asasnya bagi ROS tidak menerima keputusan pemilihan semula DAP yang telah disempurnakan pada 29 September 2013.
39. PR-1331-L66338
Dr. Tan Seng Giaw [Kepong] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan keadaan harga barangan di negara ini dan langkah-langkah berkesan untuk memastikan harga munasabah.
40. PR-1331-L66031
Tuan Anyi Ngau [Baram] minta **MENTERI PENDIDIKAN** menyatakan apakah langkah yang akan diambil oleh pihak Kementerian untuk menambah baik bangunan sekolah yang sudah rapuh serta memerlukan penambahbaikan segera di sekitar Baram seperti di SK Long Laput.
41. PR-1331-L66968
Tuan Er Teck Hwa [Bakri] minta **MENTERI SUMBER ASLI DAN ALAM SEKITAR** menyatakan jumlah keluasan tanah yang terlibat di dalam pembalakan haram dan pencerobohan hutan, apakah bentuk penguatkuasaan, bilangan kes yang telah dihadapkan ke mahkamah dan dijatuhkan hukuman serta dibebaskan daripada pertuduhan dari tahun 2009 sehingga kini.
42. PR-1331-L66299
Tuan Wong Sze Phin @ Jimmy [Kota Kinabalu] minta **MENTERI DALAM NEGERI** menyatakan statistik pemastautin tetap (PR) atau kad pengenalan merah yang kini tinggal atau bekerja di negeri Sabah mengikut jantina, umur, tempat asal dan tempat tinggal sejak 1994.

43. PR-1331-L65746
Tuan M. Kulasegaran [Ipoh Barat] minta **PERDANA MENTERI** menyatakan dan menyenarai nama-nama penumpang yang menggunakan jet VIP Kerajaan yang bersiri 9M-NAA dari 28 Disember 2014 sehingga 2 Januari, 2015, iaitu tempoh masa selepas kepulangan Perdana Menteri dari Hawaii pada 27 Disember 2014.
44. PR-1331-L66940
Tuan Mohd Rafizi bin Ramli [Pandan] minta **MENTERI KEWANGAN** menyatakan setiap perbelanjaan dan pelaburan yang melebihi RM1 juta (kepada siapa bayaran/pelaburan dan jumlah) yang telah dibuat oleh SRC International Sdn. Bhd. (anak syarikat milik Menteri Kewangan Diperbadankan) sejak daripada penubuhan hingga 2015.
45. PR-1331-L65903
Datuk Madius Tangau [Tuaran] minta **PERDANA MENTERI** menyatakan apakah langkah-langkah yang telah diambil oleh Kerajaan untuk menyelaraskan Elaun Perumahan Wilayah dan juga Elaun Pengetua di seluruh negara supaya kita hanya ada satu kadar untuk semua wilayah dan apakah sebenarnya asas mendiskriminasikan pegawai-pegawai daripada Sabah yang berkhidmat di Semenanjung Malaysia dalam pemberian Elaun Perumahan Wilayah.
46. PR-1331-L67406
Datuk Haji Shabudin bin Yahaya [Tasek Gelugor] minta **MENTERI KEWANGAN** menyatakan isu mensabotaj ekonomi Negara oleh pihak-pihak tertentu dari dalam negara dan apakah tindakan yang telah diambil terhadap mereka.
47. PR-1331-L65839
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KEWANGAN** menyatakan dengan pelaksanaan GST pada April 2015 ini, berapa banyak syarikat yang telah berdaftar dan berapa syarikat yang masih tidak berdaftar dan apakah tindakan yang akan dikenakan pada syarikat-syarikat yang masih enggan dan degil tidak membuat pendaftaran ini.
48. PR-1331-L66840
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PEMBANGUNAN WANITA, KELUARGA DAN MASYARAKAT** menyatakan usaha Kementerian dalam membasmi kes peminta sedekah yang melibatkan kanak-kanak dan orang tua yang cuba di manipulasi oleh sesebuah pihak dan berapakah jumlah kes yang telah dikenal pasti dan diselesaikan.
49. PR-1331-L66539
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan jumlah "*commissions, fees and charges*" yang tercatat dalam prospektus bon bernilai US\$3 bilion, US\$1.75 bilion dan US\$1.75 bilion untuk 1MDB Global Investment, 1MDB Energy dan 1MDB Energy (Langat) Limited. Apakah pecahan kepada fi Goldman Sachs dan diskaun bon kepada pelabur.

50. PR-1331-L66791
Tuan Chong Chieng Jen [Bandar Kuching] minta **MENTERI PENDIDIKAN** menyatakan adakah Kerajaan Persekutuan bersedia memulangkan kepada Kerajaan Negeri Sarawak kuasa autonomi dalam bidang pendidikan untuk pengurusan yang lebih baik dan juga supaya unsur-unsur dan sejarah Sarawak tidak diabaikan dalam silibus pelajaran sekolah.
51. PR-1331-L67251
Tuan Julian Tan Kok Ping [Stampin] minta **PERDANA MENTERI** menyatakan jumlah peruntukan di kawasan Stampin (P.196) semenjak Pilihan Raya Umum ke-13. Senaraikan bagaimanakah peruntukan ini digunakan serta pihak yang menggunakannya.
52. PR-1331-L66244
Dato' Noraini binti Ahmad [Parit Sulong] minta **PERDANA MENTERI** menyatakan adakah Kerajaan berhasrat untuk meneruskan penggubalan Akta Keharmonian Nasional untuk menggalakkan semangat harmoni dan saling hormat menghormati dalam kalangan rakyat berbagai kaum di negara ini.
53. PR-1331-L65894
Dato' Haji Irmohizam bin Haji Ibrahim [Kuala Selangor] minta **MENTERI BELIA DAN SUKAN** menyatakan:-
- (a) sejauh manakah pelaksanaan Komuniti Ekonomi ASEAN 2015 akan memberikan impak terhadap golongan belia dalam menghadapi persaingan daripada negara-negara ASEAN; dan
 - (b) apakah langkah-langkah Kementerian untuk memberi pendedahan dan latihan mengenai AEC dalam mempersiapkan golongan belia supaya lebih berdaya saing.
54. PR-1331-L65720
Dato' Kamarudin bin Jaffar [Tumpat] minta **MENTERI PELANCONGAN DAN KEBUDAYAAN** menyatakan adakah Kementerian bercadang menubuhkan muzium kereta api di tapak Stesen Keretapi Tumpat.
55. PR-1331-L65814
Tuan Haji Ahmad Nazlan bin Idris [Jerantut] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah langkah-langkah yang diambil dalam memastikan harga barangan kawalan yang dijual di pasaran tidak melebihi harga yang ditentukan oleh Kementerian.
56. PR-1331-L65550
Dato' Sri Haji Abdul Azeez bin Abdul Rahim [Baling] minta **MENTERI KEMAJUAN LUAR BANDAR DAN WILAYAH** menyatakan mengapa kualiti air bersih di kawasan luar bandar masih di tahap kritikal memandangkan sesetengah kampung masih menggunakan air dari bukit yang bukan sahaja tidak bersih malah menjejaskan kesihatan.

57. PR-1331-L67472
Dato Sri Dr. Muhammad Leo Michael Toyad Abdullah [Mukah] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan langkah untuk terus memantau supaya kenaikan harga barang makanan terkawal khasnya di kawasan luar bandar.
58. PR-1331-L66858
Tuan Teo Kok Seong [Rasah] minta **MENTERI KEWANGAN** menyatakan secara terperinci mengapakah Kerajaan hanya menyewa kenderaan rasmi daripada syarikat SPANCO serta kos penyewaan kenderaan rasmi berdasarkan jenis kenderaan sejak tahun 2008 sehingga 2015.
59. PR-1331-L65878
Datuk Raime bin Unggi [Tenom] minta **MENTERI SUMBER ASLI DAN ALAM SEKITAR** menyatakan apakah usaha pihak Kementerian untuk menangani masalah tebing sungai runtuh semasa kejadian banjir terutama di kawasan penempatan penduduk kampung P.181 Tenom.
60. PR-1331-L66615
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan apakah usaha-usaha yang dicadangkan untuk memastikan Kpl. Sirul Azhar Umar dibawa pulang ke Malaysia dari Australia untuk menghadapi hukuman yang dijatuhkan terhadapnya oleh Mahkamah Persekutuan dalam kes pembunuhan Altantuya Shaaribuu sekiranya proses ekstradisi untuk membawa beliau pulang gagal.
61. PR-1331-L67132
Tuan Gobind Singh Deo [Puchong] minta **MENTERI DALAM NEGERI** menyatakan apakah hasil siasatan dalam kes kematian Syed Mohd Azlan bin Syed Mohamed Nur, Repot No. Sungai Rengit/1036/2014 dan kenapa tiada sebarang maklumat diberikan oleh PDRM kepada keluarga mangsa sehingga sekarang.
62. PR-1331-L66048
Datuk Ahmad Jazlan bin Yaakub [Machang] minta **MENTERI KESIHATAN** menyatakan:-
- (a) berapakah jumlah program 'Doktor Bersama Rakyat' yang telah dianjurkan oleh Kementerian yang mengambil kira faktor kesusahan masyarakat setempat untuk ke klinik yang berhampiran; dan
 - (b) adakah keperluan/kelengkapan yang diperlukan oleh seseorang Doktor itu mencukupi untuk menjalankan tanggungjawab terutamanya di kawasan klinik-klinik Desa.
63. PR-1331-L65479
Dato' Takiyuddin bin Hassan [Kota Bharu] minta **PERDANA MENTERI** menyatakan punca utama berlakunya bencana banjir besar pada akhir tahun 2014 terutamanya di negeri Kelantan.

64. PR-1331-L66733
Tuan R. Sivarasa [Subang] minta **MENTERI DALAM NEGERI** menyatakan status siasatan kes 1MDB berikutan laporan polis Datuk Seri Paduka Khairuddin Abu Hassan terhadap 1MDB dan subsidiarinya (*The Star*, 13 Disember 2014, *Umno man lodges police report against 1MDB*).
65. PR-1331-L66998
Tan Sri Dato Sri William Mawan Ikom [Saratok] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan jumlah pinjaman yang telah diberikan Bank Rakyat kepada pembangunan koperasi-koperasi mengikut negeri, dan mengapa jumlah ini lebih kecil berbanding bank-bank lain.
66. PR-1331-L66703
Tuan Shamsul Iskandar bin Mohd Akin [Bukit Katil] minta **MENTERI KEWANGAN** menyatakan dengan pelaksanaan cukai barangan dan perkhidmatan GST pada April 2015, yang mana dijangka akan meningkatkan kadar inflasi dan penurunan kuasa beli rakyat, adakah Kerajaan akan mengkaji semula DASAR gaji minimum dan pengagihan BRIM kepada hanya sekelompok unit masyarakat.
67. PR-1331-L67201
Puan Kasthuriraani a/p Patto [Batu Kawan] minta **MENTERI SUMBER MANUSIA** menyatakan jumlah caruman PERKESO dari tahun 2008 hingga Januari 2015 serta bayaran keluar mengikut jenis bayaran dan mengikut pecahan etnik dan jantina.
68. PR-1331-L66358
Dato' Haji Abdul Rahman bin Haji Mohamad [Lipis] minta **MENTERI PENDIDIKAN** menyatakan usaha Kementerian untuk meningkatkan profesion keguruan dalam kalangan pentadbir dan pengurusan sekolah.
69. PR-1331-L65698
Datuk Seri Noh bin Haji Omar [Tanjong Karang] minta **PERDANA MENTERI** menyatakan usaha Kementerian dalam meningkatkan lagi tahap keselamatan di sempadan negara serta usaha yang dijalankan dengan negara jiran untuk membasmi kegiatan jenayah di persekitaran.
70. PR-1331-L66416
Raja Dato' Kamarul Bahrin Shah [Kuala Terengganu] minta **MENTERI SUMBER ASLI DAN ALAM SEKITAR** menyatakan apakah status kilang Eastern Steel di Teluk Kalong, Kemaman Terengganu sekarang dan apakah bahan bakar utama untuk proses "*Blast Furnace*" yang dijalankan.
71. PR-1331-L65801
Dr. Noor Azmi bin Ghazali [Bagan Serai] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah jenis-jenis bantuan yang masih diteruskan di Kementerian setakat ini dan apakah Kementerian bercadang mengubah kadar bantuan JKM memandangkan kos sara hidup yang semakin meningkat.

72. PR-1331-L66465
Ir. Shahrudin bin Ismail [Kangar] minta **MENTERI PERTANIAN DAN INDUSTRI ASAS TANI** menyatakan jumlah kes penyelewengan yang melibatkan pemborong beras ST15 dan apakah tindakan yang telah dikenakan kepada pemborong berkenaan.
73. PR-1331-L66567
Dr. Ong Kian Ming [Serdang] minta **PERDANA MENTERI** menyatakan kenapa tidak ada tambahan kerusi Parlimen di negeri Sarawak memandangkan 11 kerusi DUN baru telah dicadangkan dalam persempadanan semula negeri Sarawak.
74. PR-1331-L66322
Tuan Nga Kor Ming [Taiping] minta **MENTERI KEWANGAN** menyatakan apakah langkah dan rancangan Kerajaan untuk menyelamatkan nilai ringgit yang kini semakin merosot.
75. PR-1331-L65643
Dato' Henry Sum Agong [Lawas] minta **MENTERI DALAM NEGERI** menyatakan bilakah Ibu Pejabat Polis Daerah Lawas yang baru dilaksanakan.
76. PR-1331-L66404
Puan Nurul Izzah binti Anwar [Lembah Pantai] minta **PERDANA MENTERI** menyatakan:-
- (a) apakah justifikasi Perdana Menteri mengeluarkan kenyataan berkenaan rayuan kes liwat Dato' Seri Anwar Ibrahim sebelum proses penghakiman berakhir pada 10 Februari lepas; dan
 - (b) mengapakah Perdana Menteri gagal mengeluarkan kenyataan yang sama berkenaan dengan kes pembunuhan Altantuya Shaaribuu.
77. PR-1331-L66681
Dato' Ngeh Koo Ham [Beruas] minta **MENTERI SUMBER MANUSIA** menyatakan apakah kriteria seseorang atau sebuah syarikat diluluskan kuota untuk membawa masuk pekerja asing. Apakah cara termudah untuk memohon kelulusan membawa masuk pekerja-pekerja ini.
78. PR-1331-L67011
Tuan Mohamed Azmin bin Ali [Gombak] minta **MENTERI DALAM NEGERI** menyatakan apakah sebab utama YB Menteri menulis surat kepada *Federal Bureau of Investigation (FBI)* bertarikh 18 Disember 2014 berhubung Paul Phua Wei Seng dan aktiviti perjudiannya.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Seri Noh bin Haji Omar [Tanjong Karang]** dan masalah dicadangkan :-

“ Bahawa suatu ucapan yang tidak sepatunya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

Menyambung semula Perbahasan atas masalah (23 Mac, 2015)

- | | | | |
|---|----------------|---|---|
| 2. | (D.R. 3/2015) | Rang Undang-undang Perbekalan Tambahan (2014) 2015 | Bacaan
Kali
Yang
Kedua |
| YAB Menteri Kewangan akan mencadangkan:- | | | |
| <p>“ Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak satu bilion sembilan ratus dua puluh satu juta sembilan ratus sembilan puluh lima ribu lapan ratus lapan puluh ringgit (RM 1,921,995,880) diperuntukkan daripada Kumpulan Wang Pembangunan bagi tahun kewangan 2014 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2014 yang dibentangkan sebagai Kertas Perintah 2 Tahun 2015 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut.”</p> | | | |
| 3. | (D.R. 24/2014) | Rang Undang-undang Dadah Berbahaya (Pindaan) (No.2) 2014

[Menteri Kesihatan] | Bacaan
Kali
Yang
Kedua |
| 4. | (D.R. 29/2014) | Rang Undang-undang Pendidikan (Pindaan) 2014

[Menteri Pendidikan] | “ |

5. (D.R. 26/2014) Rang Undang-undang Perhubungan “
Perusahaan (Pindaan) 2014

[Menteri Sumber Manusia]

6. (D.R. 30/2014) Rang Undang-undang Teknologis dan “
Juruteknik 2014

[Menteri Sains, Teknologi dan Inovasi]

7. (D.R. 23/2014) Rang Undang-undang Ahli Parlimen “
(Saraan) (Pindaan) 2014

[Perdana Menteri]

8. Menteri Kewangan akan mencadangkan :-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

9. PR-1331-U65762
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

10. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

11. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

12. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

13. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

14. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

15. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD. 21	Laporan Tahunan Suruhanjaya Perkhidmatan Awam Malaysia 2014	24 Mac 2015
ST. 2	Laporan Tahunan dan Penyata Kewangan Pihak Berkuasa Peranti Perubatan Bagi Tahun 2013	24 Mac 2015
ST. 23	Laporan Tahunan dan Penyata Kewangan Universiti Malaysia Kelantan (UMK) Bagi Tahun 2013	24 Mac 2015